

Nga Mahi Ahuwhenua.

(Continued.)

(3.) Te Whakatipu Mangolds.

E ki ana nga tohunga o te iwi pakeha ko tetahi tenei o nga tino kai hei whangai i nga kau miraka. Ko tona wa whangai ko Akuhata ahu atu ki te timatanga o te raumati, ara, ko te wa tonu tena e whanaunau ai nga kua o nga kau miraka, e rokohanga ai hoki e he ana te karaihe me etahi atu otaota, No te momo i te korau nei te mangolds, kei nga more te kai. Ko te mahi o te whenua hei tipunga mo tenei kai, kia moata te parau i te whenua, ka tapatapahi, ka rakaraka. Kua e waiho roa te whenua, me takataka tonu te rakaraka i runga hei whakangawari, hei patu i nga taru. Kua hoki e wareware ki te whangai i te maara ki te manuia (manure.) Ko te whakaatu a nga tohunga a te Kawanatanga ko te tino manuia kia 5cwt. (e rima rau e ono tekau pauna taimahana) ki te eka kotahi. Me whakarara rite tonu enei manuia, ara, "basic super," "basic slag," "bone meal," kia rite tonu o ia momo o ia momo—ka rui tabi i ena i te wa e rui ai nga purapura. Hei mari ka rui ai he tote (coarse salt) ki runga ki te maara kia 4 wt. i te eka. Ko te kai pirangi rawa tena a te mangolds he tote.

Ko nga rarangi kia rua putu tae atu ki te rua putu e wha inihī te tatahi, kia watea ai he haerenga mo te karawhaea, mo te ho, mo era ata rakau ngaki toto. Kia wha kia rima pauna purapura ki te eka. Ko te mana o tenei kai ki te mahi kei te wa e tiri ai ka tahuri ki te takirikiri i etahi o nga tipu kia mahorahora ai nga meo e whakatoea, ko te ngaki hoki i nga taru. Me ki me penei ano i te mahi kumara nei ka tika ai. Ko te marama nika hei ruinga mo ona purapura ko Noema. Ko tona marama hauhake ko Hune. Ka hauhake ka whakapatu ki tetahi wahi o te maara, ki te wahi ranei e mama ai te hari atu ka whangai ki nga kau. Kaore e uhia nga putu, engari mehemea kei nga whenua nui te hukapapa e pai ana kia tapatutia. Kua e whangaia tatatia ki nga kararehe kei pa he mate, engari kia hipa rawa te marama. Ara mehemea no Hune i hauhaketia ai hei tetahi marama ka whangai a tae noa atu ki Oketopa. Ka ora nga kau e rua—tekau i nga mangolds o te kotahi eka mo nga marama e toru, mehemea i pai te hua e te maara.